

Statuts dals Museums Grischuns (MGR)

Art. 1 Num, sedia

„Museums Grischuns“ (MGR) è in'uniun da promoziun en il senn d'art. 60ss. dal Cudesch civil svizzer cun sedia en il lieu dal secretariat.

L'uniun MGR è politicamain e confessiunalmain neutrala.

Art. 2 Intent, finamiras

L'uniun MGR è l'organisaziun da tetg dals museums, dals archivs da cultura e dals posts da documentaziun dal Grischun (resumads en il sequent sut la noziun archivs da cultura). Ella promova e sustegna t.a. las suandantas finamiras:

- a) cussegljar a moda professiunala ils museums ed archivs da cultura dal chantun Grischun en tut ils champs d'incumbensas (rimnar, conservar, documentar, intermediar, etc.)
- b) manar il post da documentaziun, al cumplettar cuntinuadamain e metter a disposiziun material per persunas interessadas
- c) tgirar infurmaziuns da commembers
- d) porscher pussaivladads da scolaziun supplementara
- e) iniziar, accompagnar ed eventualmain realisar projects
- f) intermediar exposiziuns ed objects d'exposiziun
- g) far lavur da publicitad
- h) coordinar e promover la collavuraziun tranter ils commembers e las partenarias ed ils partenaris da cooperaziun en il Grischun ed ordaifer il chantun.

Art. 3 Onn da gestiun

L'onn da gestiun è identic cun l'onn chalendar.

Art. 4 Commembranza

Commembers da l'uniun MGR pon daventar:

- a) museums ed archivs da cultura
- b) organisaziuns culturalas, vischnancas, regiuns ed autras persunas giuridicas
- c) persunas natiralas

Art. 5 Finanzas

Ils meds finanzials sa cumponan da:

- contribuziuns da commembers
- contribuziuns chantunalas
- contribuziuns da fauturs
- donaziuns
- contribuziuns da cuminanzas publicas
- contribuziuns d'organisaziuns
- retgavs or d'activitads
- entradas da reclama
- tschains

Art. 6 Extrada

L'extrada da l'uniun po succeder mo per la fin da l'onn da gestiun e sto vegnir communitgada cun ina decleraziun en scrit a la suprastanza il pli tard fin ils 30 da november.

Art. 7 Exclusiun

La suprastanza po excluder da l'uniun commembers che cuntrafan als statuts u a las decisiuns dals organs da l'uniun.

Art. 8 Organs

Ils organs da l'uniun èn:

- la radunanza dals commembers
- la suprastanza
- il secretariat
- il post da revisiun
- las cumissiuns da lavur

Art. 9 Radunanza dals commembers

La radunanza dals commembers è l'organ suprem da l'uniun MGR. Ella sa raduna almain ina giada l'onn e quai il pli tard fin la fin da zercladur. La suprastanza u almain 20% dals commembers pon convocar ina radunanza dals commembers extraordinaria. Las tractandas èn da communitgar 15 dis avant la radunanza.

Cun las radunanzas dals commembers èn da cumbinar referats, discussiuns, visitas, excursiuns u autras activitads.

Art. 10 Decisiuns ed elecziuns

A la radunanza dals commembers han ils museums ed ils archives da cultura (art. 4 a)) mintgamai dus dretgs da vuschar, tut ils auters commembers (art. 4 b) e c)) han in dretg da vuschar. Las cartas da vuschar correspondentas vegnan repartidas; ina vusch è be valaivla cun la carta da vuschar.

La radunanza dals commembers prenda sias decisiuns e fa las elecziuns cun la maioritad simpla dals commembers preschents. En cas da paritad da las vuschs decida la vusch dal president/da la presidenta, en cas d'elecziuns decida la sort.

Las decisiuns ed elecziuns succedan per regla cun votaziun averta.

Art. 11 Cumpetenzas

A la radunanza dals commembers èn da suttametter:

- il protocol da la davosa radunanza dals commembers
- il rapport annual
- il quint annual ed il rapport dals revisurs
- il preventiv
- l'elecziun dal president/da la presidenta, dals ulteriurs commembers da la suprastanza e dals revisurs. Reelecziuns èn pussaivlas.
- la fixaziun da las contribuziuns da commembers
- propostas
- midadas dals statuts
- la dissoluziun da l'uniun MGR

Art. 12 Supranza

La suprastanza sa cumpona d'almain tschintg commembers:

- dal president/da la presidenta
- dal vicepresidente/da la vicepresidente
- d'ulteriurs commembers

Il manader da fatschenta/la manadra da fatschenta sa participescha a las sedutas da la suprastanza cun vusch consultativa.

La suprastanza sa constituescha senza.

Tenor pussaivladad sa cumpona la suprastanza da represchentants da las trais linguas chantunalas e da differentas regiuns.

La durada d'uffizi munta a 3 onns.

Art. 13 Incumbensas e cumpetenzas generalas

La suprastanza sa raduna almain duas giadas l'onn. Il president/la presidenta maina las sedutas da la suprastanza e las radunanzas dals commembers. Il vicepresident/la vicepresidenta substituescha il president/la presidenta.

La suprastanza ha surtut las suandantas incumbensas e cumpetenzas:

- represchentar ils interess da l'uniun
- decider davart il diever dals meds considerond il preventiv
- sa stentar da cuntanscher las finamiras tenor art. 2 dals statuts
- surdar incumbensas
- eleger e survegliar il manader da fatschenta/la manadra da fatschenta
- recepir/excluder commembers

Las cumpetenzas finanzialas e las lavurs cun dretg d'indemnisaziun vegnan fixadas en in reglament da finanzas.

Art. 14 Il secretariat

Il secretariat suttastat a la suprastanza da l'uniun MGR e renda quint a quella a chaschun da las sedutas da la suprastanza. Las singulas incumbensas dal manader da fatschenta/da la manadra da fatschenta èn fixadas en in carnet da duairs separà.

Art. 15 Post da revisiun

Il quint da l'uniun vegn concludì mintg'onn per la fin da l'onn. Il post da revisiun che sa cumpona da dus commembers, controllescha il quint. El scriva in rapport per mauns da la radunanza dals commembers.

Art. 16 Midadas dals statuts e dissoluziun da l'uniun

Ina midada dals statuts u la dissoluziun da l'uniun han da succeder a chaschun d'ina radunanza dals commembers ordinaria u extraordinaria. La midada dals statuts sto vegnir approvada d'almain 2/3 da las personas cun dretg da vuschar preschentas.

L'uniun MGR po vegnir dissolvida cun ina maioritad da 2/3 da las personas cun dretg da vuschar. Sche damain che 2/3 da las personas cun dretg da vuschar èn preschentas a la radunanza dals commembers, vegn la dissoluziun da l'uniun tractandada ad ina radunanza extraordinaria, a la quala decida la maioritad dals votants. Sche l'uniun vegn dissolvida va la facultad da l'uniun als museums ed archivs da cultura participads tenor la clav da repartiziun da la suprastanza.

Igl exista la pussaivladad da far votaziuns per corrispundenza.

Ils statuts preschents remplazzan ils statuts da l'uniun MGR dals 20 da schaner 2001 ed èn vegnids approvads da la radunanza dals commembers ils 2 da november 2013.

la presidenta
Marianne Fischbacher

il vicepresidente
Christian Joos